
**AKTI THEMELIMIT DHE STATUTI
I SHOQËRISË ME PËRGJEGJËSI TË KUFIZUAR
MARCHEZI GROUP sh.p.k**

**AKT THEMELIMI DHE STATUTI
I SHOQËRISË ME PËRGJEGJËSI TË KUFIZUAR
MARCHEZI GROUP sh.p.k**

**KAPITULLI I
FORMA, EMËRTIMI, OBJEKTI, SELIA, KOHËZGJATJA**

Neni 1 – Forma

- 1.1. Shoqëria **MARCHEZI GROUP sh.p.k**, (në vijim “Shoqëria”) krijohet në formën e një shoqërie me përgjegjësi të kufizuar, dhe veprimtaria e saj rregullohet me anë të këtij Akti që përbën Aktin e Themelimit dhe Statutin njëkohësisht.
- 1.2. Shoqëria vepron sipas legjislacionit shqiptar në fuqi.
- 1.3. Ky akt është në përputhje me legjislacionin shqiptar dhe ka karakter të detyrueshëm, ndërsa çështjet që nuk janë shprehimisht të parashikuara në të, plotësohen nga legjislacioni shqiptar.

Neni 2 – Emërtimi

- 2.1 Emërtimi i Shoqërisë është **MARCHEZI GROUP sh.p.k**,

Neni 3 – Objekti i shoqërisë

- 3.1 Shoqëria **MARCHEZI GROUP sh.p.k**, ka si objekt veprimtarie kryerjen e të gjitha veprimtarive që një shoqëri me përgjegjësi të kufizuar mund të ushtrojë në bazë të ligjit shqiptar brenda dhe jashtë territorit duke u kufizuar në vecanti:
- 3.1.1 Shitje e blerje të artikujve si, syze optike, skelete syzesh optike, syze dielli, lente kontakti, barna mjekesore dhe trajtues që lidhen me ophtamologjinë, paisje mjekesore në fushën e ophtamologjinë.
- 3.1.2 Vizita dhe konsulta mjekesore, trajtime mikrokirurgjikale, trajtime kirurgjikale në fushën e ophtalmologjisë .
- 3.1.4 Cdo veprimtari tjetër të dobishme në interes të shoqërisë.

Neni 4 – Selia

- 4.1 Selia e Shoqërisë është në adresë **Rr. "Sami Frasheri", Godina 22/1, Hyrja 1, Tirane.**
- 4.2 Asambleja e Ortakëve mund të vendosë hapjen e filialeve, degëve dhe përfaqësive të Shoqërisë në qytete të tjera të Shqipërisë si edhe jashtë saj.

Neni 5 – Kohëzgjatja e veprimtarisë

- 5.1 Shoqëria krijohet për një afat të pacaktuar.

KAPITULLI II KAPITALI THEMELTAR, KONTRIBUTET, NDARJA E PJESËVE TË KAPITALIT

Neni 6 – Kapitali themeltar

- 6.1 Kapitali themeltar i shoqërisë është 10 000 (dhjetë mijë) lekë.
- 6.2 Kapitali themeltar i shoqërisë përbëhet me 2 kuota me vlerë nominale 10 000 (dhjetë mijë) lekë.

Neni 7 - Kontributet

- 7.1 Kontributi në kapitalin e shoqërisë është ofruar si më poshtë:
- Shtetasi Fatjon MATI, ka ofruar një kontribut në para të barabartë me lekë 5 000 (pese mijë) leke, në favor të shoqërisë në themelimin e sipër **MARCHEZI GROUP sh.p.k** që perben 1 kuote;
 - Shtetasi Mehmet TUREC, ka ofruar një kontribut në para të barabartë me lekë 5 000 (pese mijë) leke, në favor të shoqërisë në themelimin e sipër **MARCHEZI GROUP sh.p.k** që perben 1 kuote;
- 7.2 Sipas kontributit të mësipërm:
- Z. Fatjon MATI i perket 1 pjesë/kuote që perbejne 50 % të kapitalit themeltar të Shoqërisë;
 - Z. Mehmet TUREC i perket 1 pjesë/kuote që perbejne 50 % të kapitalit themeltar të Shoqërisë;

Neni 8 – Rritja e kapitalit themeltar

- 8.1 Kapitali themeltar mund të rritet pa kufi në çdo moment, një ose disa herë, me vendim të Asamblesë së Ortakëve .
- 8.2 Në rast rritjeje të kapitalit, ortakët kanë të drejtën të nënshkruajnë rritjen në raport me pjesët e kapitalit të zotëruara.

Neni 9 – Zvogëlimi i kapitalit themeltar

- 9.1 Shoqëria mund të zvogëlojë kapitalin themeltar me vendimin e Asamblesë së Ortakëve. Në çdo rast kapitali themeltar nuk mund të zvogëlohet nën kufijtë e parashikuar nga ligji.
- 9.2 Zvogëlimi i kapitalit përballohet nga ortakët në të njëjtën masë me pjesët e kapitalit të zotëruara prej tyre.

Neni 10 – Transferimi i pjesëve të kapitalit dhe e drejta e parablerjes

- 10.1 Pjesët e kapitalit janë lirisht të transferueshme.
- 10.2 Në rast transferimi të pjesëve të kapitalit në çdo lloj forme në favor të

- personave të tjerë nga ata të parashikuar më sipër, si me shpërblim ashtu edhe pa shpërblim, me çdo kusht, duke përfshirë edhe dhurimin, ortakët e tjerë gëzojnë të drejtën e parablerjes mbi këto pjesë kapitali.
- 10.3 Në një rast të tillë ortaku që do të transferojë pjesët e tij të kapitalit duhet t'i njoftojë ortakët e tjerë, me letër rekomande, mbi synimin për shitjen, çmimin, kushtet, modalitetet, emrin e blerësit dhe afatet e transferimit. E drejta e parablerjes i referohet të gjitha pjesëve të kapitalit ofruar për shitje.
- 10.4 Ortakët do të kenë në dispozicion 30 (tridhjetë) ditë nga marrja e letrës rekomande, për t'i komunikuar ortakut që transferon pjesët e kapitalit, synimin e tyre për të ushtruar apo jo të drejtën e parablerjes. Në rast se ata nuk përgjigjen në afatin e caktuar, presumohet se kanë hequr dorë nga e drejta e tyre e parablerjes.
- 10.5 Në rast se oferta pranohet nga disa ortakë, pjesët e kapitalit të ofruara nga ortaku që transferon pjesët e kapitalit, do të ndahen nga ortakët pranues, në të njëjtën masë më pjesët që ata zotërojnë, përveç rastit kur ka një marrëveshje të kundërt. Në asnjë rast, pranuesi i ofertës nuk mund të ushtrojë pjesërisht të drejtën e parablerjes.
- 10.6 Në rast se nuk ushtrohet e drejta e parablerjes, pjesët e kapitalit mund t'i transferohen të tretëve plotësisht apo pjesërisht, me vendimin e Asamblesë që përfaqëson të paktën $\frac{3}{4}$ (tre të katrat) e kapitalit themeltar, në përputhje me Ligjin Per Tregetaret dhe Shoqërite Tregetare.
- 10.7 Pjesët e kapitalit të Shoqërisë janë të transferueshme për shkak trashëgimie *mortis causa*. Në rast të vazhdimit të Shoqërisë me disa trashëgimtarë të ortakut të vdekur, trashëgimtarët duhet të emërojnë një përfaqësues të përbashkët.
- 10.8 Në rast të transferimit të pjesëve të kapitalit për shkak trashëgimie *mortis causa* ortakët e tjerë kanë të drejtë të shprehin pëlqimin e tyre për ortakët e rinj sipas modaliteteve të parashikuara në Ligjin Per tregetaret dhe Shoqërite Tregetare.

KAPITULLI III

ASAMBLEJA, ADMINISTRATORËT DHE EKSPERTI KONTABËL

Neni 11 – Asambleja e ortakëve dhe kompetencat e saj

- 11.1 Organi vendim-marrës i Shoqërisë është Asambleja e Ortakëve
- 11.2 Vendimet e Asamblesë duhet të miratohen, si në mbledhjen e parë ashtu edhe në atë vijuese, nga ortaket.

Neni 12 – E drejta e pjesëmarrjes dhe e votës

- 12.1 Çdo ortak ka të drejtë të marrë pjesë në Asamble, të paraqesë mendimin e tij dhe të japë aq vota sa është numri i pjesëve të kapitalit që ai zotëron. Nje pjese eshte e barabarte me nje vote.
- 12.2 Çdo ortak ka të drejtë të përfaqësohet nga një person tjetër jo-ortak, i pajisur me prokurë me shkrim, me anën e së cilës mund të japë votën e tij.
- 12.3 Ortaku nuk mund të lëshojë prokurë për votim për një pjesë të kapitalit që zotëron, në qoftë se voton personalisht për pjesën e mbetur.

Neni 13 – Thirrja e Asamblesë së Ortakëve

- 13.1 Asambleja e Ortakëve thirret të paktën një herë në vit, brenda afateve ligjore për miratimin e bilancit, të raportit të Administratorit, ekspertit kontabël si dhe inventarit.
- 13.2 Asambleja mund të thirret në çdo moment nga një prej Administratorëve ose nga eksperti kontabël (nëse është i emëruar), ose nga likuidatori/likuidatorët si dhe prej një ose disa ortakëve që përfaqësojnë më shumë se 1/10 (një të dhjetën) e kapitalit themeltar.
- 13.3 Asambleja e përgjithshme thirret nëpërmjet një njoftimi me shkresë ose, nëse parashikohet nga akt themelimi e statuti, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
- Kur asambleja e përgjithshme nuk është thirrur sipas pikës 13.3 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.
- 13.4 Kërkesa nga ortakët e pakicës:
- a. Ortakët, të cilët përfaqësojnë të paktën 5 për qind të totalit të votave në asamblenë e përgjithshme të shoqërisë, apo një pjesë më të vogël të parashikuar në akt themelimi e statut, mund t'i drejtojnë administratorëve një kërkesë me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çështjet e rendit të ditës, në përputhje me pikën 13.3 të këtij neni.
- b. Nëse, në kundërshtim me pikën 13.4/a të këtij neni, asambleja e përgjithshme nuk thirret, ose çështja e kërkuar prej këtyre nuk futet në rendin e ditës, secili prej ortakëve, që kanë bërë kërkesën, ka të drejtë:
- i) të ngrejë padi në gjykatë, për të deklaruar shkeljen e detyrimit të besnikërisë, nëse administratorët nuk përmbushin kërkesat e ortakëve brenda 15 ditëve;
- ii) t'i kërkojë shoqërisë blerjen e kuotave, të zotëruara prej tyre.
- c. Në rastet kur rendi i ditës ndryshohet, sipas parashikimeve të pikave 13.4/a/b të këtij neni dhe thirrja i është njoftuar ortakëve, administratorët njoftojnë përsëri rendin e ditës, të ndryshuar, në përputhje me parashikimet e pikës 13.3 të këtij ligji.
- 13.5 Përfaqësuesi i autorizuar është i detyruar të deklarojë çdo fakt apo rrethanë, të tillë që, sipas gjykimit të ortakut të përfaqësuar, rrezikon të ndikojë në vendimmarrjen e përfaqësuesit për interesa të tjerë të ndryshëm nga ata të ortakut të përfaqësuar.
- 13.6 Vendimet e Asamblesë duhet të nënshkruhen nga ortakët dhe nga Sekretari.

Neni 14 – Administrimi

- 14.1 Shoqëria mund të administrohet nga të paktën 1 (një) Administrator dhe maksimumi 3 (tre) Administratorë, të cilët qëndrojnë në detyrë deri në revokimin apo dorëheqjen ose deri në afatin e caktuar nga Asambleja në aktin e emërimit.
- 14.2 Administratore të shoqërisë emërohen **Z. Fatjon MATI** i biri i Fiqirise, lindur

ne Shkoder dhe banues Tirane, i datelindjes 14.08.1983, me adrese ne: Rr. Eshref Frasheri", Pallati "LNK", Hyrja 61, Ap. 14, Tirane, identifikuar me leternjoftimin nr. 028092277 , e cili qëndron në detyrë për një periudhë 4 – vjecare dhe/ose **Z. Mehmet TUREC** i biri i Ali, lindur ne Shkup dhe banues Tirane, i datelindjes 04.08.1980, me adrese ne: Rr. "Shkelqim Fusha", Pallati "Meteor 1", Tirane, identifikuar me leternjoftimin nr. ID0754226, e cili qëndron në detyrë për një periudhë 4 – vjecare.

- 14.3 Administratoret mund ta kryejne detyrat dhe funksionin e tyre veç e veç ose dy se bashku.
- 14.4 Administratori zotëron kompetenca te plota ne lidhje me administrimin e shoqerise dhe mund te kryeje te gjitha aktet qe konsideron te nevojshme per realizimin e objektit te shoqerise perves kur ky akt themelimi e statu ose ligji ja rezervon Asamblese se Pergjithshme apo organeve te tjera te shoqerise.
- 14.5 Administratori eshte pergjegjes per veprimet e kryera ne administrimin e shoqerise.
- 14.6 Administratori duhet te veproje gjithmone ne interes te shoqerise. Ne rast konflikti interesi, Administratori duhet te njoftoje menjehere ortakun e shoqerise si dhe heq dorë nga cdo veprim që lidhet me objektin e konfliktit te interesit deri ne marrjen e udhëzimeve nga Asambleja e Përgjithshme.
- 14.7 Administratori do të marri vendime në lidhje me çështjet e mëposhtme vetëm pas marrjes së miratimit paraprak nga Asambleja e Përgjithshme:
 - blerja, shitja, vendosja e barrëve, likuidimi, dhe terhecja e pjesëmarrjes në shoqeri;
 - blerja, shitja dhe vendosja e barrëve mbi pasuri te paluajtshme;
 - huamarrjet per cdo lloj detyrimi, hua, apo kreditime, si dhe pranimet e pergjegjësive mbi detyrimet, huatë dhe kreditë
 - investime;
 - miratimi i dhenies se huave, me perjashtim të atyre huave te cilat akordohen gjate rrjedhes se zakonshme të biznesit;
 - përcaktimi i parimeve te pergjithshme të politikave të biznesit;
 - percaktimi i parimeve të pergjithshme në lidhje me akordimin e incentivave si pjesëmarrjet në fitime apo shitjet dhe angazhimi në skemat e pensioneve per drejtorët ekzekutivë të Shoqerise;
 - akordimi i të drejtave mbi aksionet në Shoqëri tek punemarresit dhe drejtorët ekzekutivë te Shoqërise, apo tek cilado dege e saj;
 - miratimi i marrëveshjeve të lidhura ndërmjet Shoqerise dhe Administratorëve;
 - autorizimi i lëshimit të cfarëdo titulli te kapitalit, apo të drejtave ne lidhje me të, duke përfshirë por pa u kufizuar tek vendosja e kushteve per blerjen e aksioneve, garantimin e aksioneve, dhe te titujve te konvertueshme apo te kthyeshme ne aksione;
 - lidhja e çdo lloj transaksionesh me cilindo prej drejtoreve te Shoqërisë, ose me ndonjë pale të lidhur me këta persona;
 - kryerja apo zbatimi i ndonjë ndryshimi në cilindo prej parimeve të kontabilitetit apo praktikave të Shoqerisë, apo metodës sesi mbahen librat dhe regjistrat e Shoqërisë, me përjashtim nëse parashikohet ndryshe nga ligji, aktet normative, apo praktika profesionale;
 - kryerja e një veprimi në përfitim te kreditorëve, apo depozitimi i një peticioni falimentimi apo paaftesie pagese, apo çdo procedim i ngjashem në lidhje me Shoqerinë;

- lidhja e transaksioneve derivate;
- miratimi i planeve të biznesit dhe te investimeve.

14.7. Asambleja e Përgjithshme percakton shpërblimin e Administratorëve të Shoqërise.

14.8 Detyra e Administratorit përfundon në rast se:

- (a) personi nuk gëzon cilësinë e Administratorit sipas parashikimeve të ligjit;
- (b) personi ndodhet në gjendje paaftësie paguese apo kryen veprime gjate administrimit që cojnë në paaftësi paguese të shoqërisë ;
- (c) personi vuan ose mund të vuajë nga çrregullime mendore;
- (d) personi jep doreheqjen nga detyra duke njoftuar Shoqërinë dhe Asamblenë.

Neni 15 – Eksperti kontabël i autorizuar

- 15.1 Në rast se kërkohet nga ligji apo vendoset nga Asambleja e Ortakëve, kontrolli i bilanceve dhe librave kontabël të Shoqërisë mund t'i besohet një ekspert kontabël të autorizuar, i cili mandatohet në vendimin e emerimit.
- 15.2 Eksperti kontabël i autorizuar mund të shkarkohet sipas mënyrës së parashikuar nga legjislacioni në fuqi.

KAPITULLI IV VITI FINANCIAR, BILANCI VJETOR, SHPËRNDARJA E FITIMEVE

Neni 16 - Viti financiar dhe bilanci vjetor

- 16.1 Viti financiar fillon më 1 janar dhe mbaron më 31 dhjetor të secilit vit.
- 16.2 Viti i parë financiar fillon në datën e regjistrimit të Shoqërisë në Regjistrin Tregtar pranë Qendrës Kombëtare të Biznesit (Q.K.B.) dhe përfundon më 31 dhjetor të të njëjtit vit.
- 16.3 Bilancet vjetore, inventari, raportet e Administratorit dhe ekspertit kontabël të autorizuar (nëse është emëruar) miratohen nga Asambleja.
- 16.4 Miratimi i dokumentave që lidhen me vitin financiar duhet të bëhet brenda 6 (gjashtë) muajve që nga fundi i vitit financiar.

Neni 17 – Fitimet

- 17.1 Fitimet që rezultojnë nga bilanci vjetor, duke zbritur 5% (pesë për qind) që caktohen për rezervën ligjore deri në 10% (dhjetë për qind) e kapitalit themeltar, dhe duke zbritur gjithashtu të gjitha shumat që Asambleja vendos t'i vërë mënjatë, u shpërndahen ortakëve në proporcion me pjesët e kapitalit themeltar të zotëruara.
- 17.2 Asambleja mund të vendosë edhe zbritje të veçanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotësisht ose pjesërisht, për vitet financiare të ardhshme.

KAPITULLI V SHPËRNDARJA DHE LIKUIDIMI I SHOQËRISË

Neni 18 – Prishja

- 18.1 Shoqëria prishet me përfundimin e afatit të parashikuar, ose përpara përfundimit në rastet e parashikuara nga ligji, ose me anë të një vendimi të Asamblesë së Ortakëve.
- 18.2 Shoqëria nuk prishet në rast të humbjes së zotësisë për të vepruar, pazotësisë juridike, vdekjes, ose falimentimit të ortakut-ortakëve.

Neni 19 – Likuidimi

- 19.1 Në rast prishje, Shoqëria duhet të likuidohet.
- 19.2 Për të administruar këtë procedurë, Asambleja emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 19.3 Me përfundimin e procedurës së likuidimit, Asambleja do të vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likuidimit.
- 19.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

Neni 20 - Zgjidhja e mosmarrëveshjeve

- 20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij akti të themelimit e statuti, si edhe ato që mund të lindin në përgjithësi midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 20.2 Në rast se mosmarrëveshjet nuk zgjidhen në mënyrë miqësore midis ortakëve, atëherë kompetente për zgjidhjen e tyre do të jetë Gjykata e Rrethit Gjyqsor Tirane.

Neni 21 – Gjuha

- 21.1 Ky Akt themelimi dhe Statut është hartuar në 4 (katër) kopje në gjuhën shqipe.
- 21.2 Për të gjitha mosmarrëveshjet që mund të lindin në lidhje me interpretimin dhe/ose zbatimin e këtij Akti Themelimi e Statuti, versioni në gjuhën shqipe do të jetë i vetmi ligjërishit detyrues.
- 21.3 Ortaket autorizojnë **Z. Ervis Kanushaj** i biri Dashammirit, i datelindjes 20.12.1982 për të kryer të gjitha procedurat e nevojshme për rregjistrimin e shoqërisë në Qendren Kombëtare e Biznesit

Ky Akt Themelimi e Statut nënshkruhet lirisht nga ortaket e shoqërisë

Lexuar, kuptuar dhe nënshkruar

Tirane, më 13.05.2021

ORTAKËT

E SHOQËRISE MARCHEZI GROUP sh.p.k

Fatjon MATI

Mehmet TUREC

Neni 18 – Prishja

- 18.1 Shoqëria priset me përfundimin e afatit të parashikuar, ose përpara përfundimit në rastet e parashikuara nga ligji, ose me anë të një vendimi të Asamblesë së Ortakëve.
- 18.2 Shoqëria nuk priset në rast të humbjes së zotësisë për të vepruar, pazotësisë juridike, vdekjes, ose falimentimit të ortakut-ortakëve.

Neni 19 – Likuidimi

- 19.1 Në rast prishje, Shoqëria duhet të likuidohet.
- 19.2 Për të administruar këtë procedurë, Asambleja emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 19.3 Me përfundimin e procedurës së likuidimit, Asambleja do të vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likuidimit.
- 19.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

Neni 20 - Zgjidhja e mosmarrëveshjeve

- 20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij akti të themelimit e statuti, si edhe ato që mund të lindin në përgjithësi midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 20.2 Në rast se mosmarrëveshjet nuk zgjidhen në mënyrë miqësore midis ortakëve, atëherë kompetente për zgjidhjen e tyre do të jetë Gjykata e Rrethit Gjyqsor Tiranë.

Neni 21 – Gjuha

- 21.1 Ky Akt themelimi dhe Statut është hartuar në 4 (katër) kopje në gjuhën shqipe.
- 21.2 Për të gjitha mosmarrëveshjet që mund të lindin në lidhje me interpretimin dhe/ose zbatimin e këtij Akt Themelimi e Statuti, versioni në gjuhën shqipe do të jetë i vetmi ligjërishit detyrues.
- 21.3 Ortaket autorizojnë **Z. Fatjon Mati** i biri Fiqiri, i datelindjes 14.08.1983 për të kryer të gjitha procedurat e nevojshme për regjistrimin e shoqërisë në Qendren Kombëtare e Biznesit

Ky Akt Themelimi e Statut nënshkruhet lirisht nga ortaket e shoqërisë

Lexuar, kuptuar dhe nënshkruar

Tiranë, më 13.05.2021

ORTAKËT

E SHOQËRISË MARCHEZI GROUP sh.p.k

Fatjon MATI

Mehmet TURBU